



# BAGOSENDAMANG

Office of the Children's Advocate

Ji-nisidizosig Awiya Wiindamaagewin

## Nisidizowin Izhigiizhwewin


Noomag ikidong “Ji-nisidizong”, “Gii-nisidizo” “gii-gagwe-nisidizo” zhigwa “gii-giizhi-nisidizo” ginagadendaamin izhigiizhwewin onzaam daabida ginoondaamin. Niibowa dash ono ikidowinan gaawiin onizhishinziinooon. Daabishkoo owe ji-nisidizod awiya ogii-bookonaan ako onaakonigewin, gaawiin aaniish gii-bagidinigaadesinoon ji-nisidizod awiya. Omaa Kaanada, nisidizod awiya gaawiin obookonanziin onaakonigewin. Iwe wiin ikidowin gaa-aabajichigaadeg ji-nisidizod awiya zhaaganaashiimong, inaabanjigaade daabishkoo bookonaman onaakonigewin.

Ini miinawaa izhigiizhwewinan gii-nisidizo dago gii-giizhi-nisidizo, gaawiin miinawaa ini minosesinoon. Zhaaganaashiimowining initaagwadoon daabishkoo gii-nagajitood awiya ji-nisidizod gemaa gii-giizhi-nisidizo daabishkoo gii-minochiged gii-nisidizod enitaagwak. Mii ini gaye awiya gii-bwaanawitood ji-nisidizod, mii iwe miinawaa daabishkoo abooshke awiya bwaanawitood ji-nisidizod enitaagwak.

Iwe Canadian Association for Suicide Prevention (Kaanada Akiing Gaa-wiiji’iwed Ji-nisidizosig awiya) niigaaniiwag aaniin ji-izhi-dazhinjigaadeg nisidizowin. Ikidowag wiinawaa nawach “gii-nibo gii-nisidizod” “gegaa gii-nisidizo” gemaa “gii-gagwe-nisidizo.”

Giiyaabi noonde-gikendaman aaniin ezhigiizhweng dazhinjigaadeg nisidizowin, inaabin imaa Centre of Suicide Prevention maagoniganing:

[suicideprevention.ca](http://suicideprevention.ca)



## Maama’oobiwin Wiindamaagewin!

2013 Canadian  
Association for  
Suicide Prevention  
Conference


“Oshki-  
ganawaabanjigaadeg:  
Ezhiwebizing  
Ji-onji-nisidizosig  
Awiya”

Winnipeg, MB.

October 1 & 2, 2013

Geyaabi gegoo noonde-  
gikendaman:  
[suicideprevention.ca](http://suicideprevention.ca)

# Bebakaan Izhitwaawining Nisidizowin



## Manitoba Nisidizowin Giigidowin

Giigidon 1-877-435-7170  
giishpin giin gemaa awiya  
gekenimad  
noonde-nisidizod gemaa  
awiya gii-wani'aad  
awiyen gii-nisidizonid.

[reasontolive.ca](http://reasontolive.ca)

Gechiwaag gaa-ganawaabandamowaad nisidizowin onandawendaanaawaa' gwayak ji-dazhinjigaadegin gashkendamowin, ojaanimiziwin, gwiinawi-inaabiwin, wiisagaapinindizowin, dago nisidizowin, nawach minosewan awiya ji-nisidizosig. Geget idash wiin naanigoding owe izhichigeng, aanind omigoshkaaji'igonaawaa' memindage abinoojiiyag zhidzha oshki-aya'aansag abooshke igiwe gaa-gashkitoosigwaa ji-dazhindamowaad nisidizowin odizhitwaawiniwaang gemaa abooshke wiikaa dazhindanzigwaa.

Giishin wii-dazhinjigaadeg nisidizowin bebakaan izhitwaawining, giinawind ji-ganawaabandamang aaniin ayinendamang nisidizowin. Daabishkoo aanind oshki-aya'aansag gaawin giganawaabamigosig gaganoonadwaa, maagizhaa omigoshkaadendaan gagagwejimad nisidizowin mii aaniish aanind endoodawindwaa. Ginaanaagadawendaan ina wii-nisidizowin? Maagizhaa oshkiniigi omigoshkaadendaan ikwewan owe gagwejimigod, maagizhaa aaniish majendaagozi ji-inenimigopan.

Ji-naagadawenjigaadeg bakaan izhitwaawining aaniin waa-izhi-gaganoonindwaa oshki-aya'aansag nisidizowin onji. Bezhihwewig dash wiin eta iwe ji-gikenjigaadeg aaniin ayinandang awe oshki-aya'aans. Na-naandok gegoo awe oshki-ayaans izhigiizhwe bakaan gaye odinaabandaan bimaadiziwin. Bigo dash aaniish weweni ji-naanaagadawenjigaadeg aaniin waa-izhi-dazhindaman gegoo i-maanaaji'indwaa bakaan gaa-zhitwaawaad – ini gaa-nisidawinaagwakin zhidzha ini gaa-waabanjigaadesinogin.

Geyaabi gegoon noonde-gikendaman ji-nisidizosig awiya dago bebakaan izhitwaawinan, inaabin imaa Centre of Suicide Prevention maagoniganing:  
[suicideprevention.ca](http://suicideprevention.ca)

Office of the Children's Advocate  
(Abinoojiya' Gaa-giigidootamaagewaad)  
100 - 346 Portage Avenue  
Winnipeg, MB. R3C 0C3  
(204) 988-7440

Ji-diba'igesiing: 1-800-263-7146

[www.childrensadvocate.mb.ca](http://www.childrensadvocate.mb.ca)

Anamichigen Twitter! @OCAAdvocate

Mikashinaam Facebook!